

Broj: 06-02-4-1528/24  
Mostar, 03.09.2024. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno:		19-09-2024	
Org. jed.	Broj	Priloga	Vrijednost
05/2	-02-	475	124

Bosna i Hercegovina  
Federacija Bosne i Hercegovine  
DOM NARODA PARLAMENTA FEDERACIJE BOSNE I HERCEGOVINE  
n/p gosp. Ivica Pavković, izaslanik

**PREDMET:** Odgovor u vezi sa pokrenutom izaslaničkom inicijativom, dostavlja se -  
**Veza:** Akt Vlade Federacije Bosne i Hercegovine broj: 03-04-1385/24 od  
01.08.2024. godine

Uvaženi izaslanik u Domu naroda Parlamenta Federacije Bosne i Hercegovine gospodin Ivica Pavković na 11. sjednici Doma naroda Parlamenta Federacije Bosne i Hercegovine održanoj 29.07.2024. godine, dostavio je izaslaničku inicijativu Vladi Federacije Bosne i Hercegovine na koju traži odgovor.

Inicijativa glasi:

*Kako su svi rudnici u Federaciji BiH u finansijskim problemima i kako Vlada Federacije BiH značajno pomaže skoro svim rudnicima, tražim od Vlade Federacije BiH da sukladno svojim finansijskim mogućnostima pomogne i poduzećima Rudnici boksita d.o.o. Široki Brijeg i Rudnici boksita d.o.o. Posušje koji su također u finansijskim problemima. Posebno se to odnosi na poduzeće Rudnici boksita d.o.o. Široki Brijeg kojemu je blokiran račun i prijeti likvidacija. Nadam se da će Vlada imati razumjevanja za ovu inicijativu.*

Ovim putem, a u skladu sa članom 13. Poslovnika o radu Doma naroda Parlamenta Federacije Bosne i Hercegovine, dostavljamo odgovor u vezi sa pokrenutom izaslaničkom inicijativom.

JP Elektroprivreda Bosne i Hercegovine d.d. – Sarajevo je dioničko društvo u kome je 90,37 % kapitala u vlasništvu Federacije BiH, a 9,63 % je u vlasništvu malih dioničara. Od 2009. godine JP Elektroprivreda BiH d.d. – Sarajevo ima status vladajućeg društva u Koncernu EPBiH u kojem je povezano u kapitalu sa više privrednih društava rudnika ugljena, a to su: RMU „Zenica“ d.o.o. Zenica, Rudnici „Kreka“ d.o.o. Tuzla, RMU „Đurđevik“ d.o.o. Đurđevik, RMU „Kakanj“ d.o.o. Kakanj, RMU „Breza“ d.o.o. Breza, RMU „Abid Lolić“ d.o.o. Travnik - Bila i Rudnik „Gračanica“ d.o.o. Gornji Vakuf – Uskoplje.

Svi rudnici ugljena pomognuti su Zakonom o finansijskoj konsolidaciji rudnika uglja u Federaciji Bosne i Hercegovine prema obračunatim, a neplaćenim javnim prihodima u periodu od 2009. do 2015. godine („Službene novine Federacije BiH“, broj 81/08). Ovim zakonom obuhvaćeni su rudnici u Koncernu JP Elektroprivrede BiH, ali i RMU „Banovići“ d.d. Banovići i Rudnici ugljena „Tušnica“ d.o.o. Livno. Dužni smo naglasiti



da je Vlada Federacije BiH finansijski konsolidirala i Rudnike boksita d.o.o. Posušje također u periodu od 2009. do 2015. godine za obračunate, a neuplaćene poreze i doprinose.

Potrebno je naglasiti da Vlada Federacije Bosne i Hercegovine vrši upravljačka prava nad rudnicima ugljena kroz učešće državnog kapitala preko Vladajućeg društva u Koncernu JP Elektroprivrede BiH d.d. Sarajevo, a za RMU „Banovići“ d.d. Banovići preko nadzornih odbora. Ugljen kao mineralna sirovina još uvijek je okosnica energetskog bilansa naše zemlje, posebno za JP Elektroprivreda BiH gdje zauzima više od 60 % učešća u energetskom bilansu.

Upravljačka prava nad Rudnicima boksita d.o.o. Posušje i Rudnicima boksita d.o.o. Široki Brijeg ima Vlada Županije Zapadnohercegovačke, a Federalno ministarstvo energije, rudarstva i industrije vrši nadležnost nad eksploatacijom mineralne sirovine rude boksita. Federalno ministarstvo energije, rudarstva i industrije je upoznato sa novonastalim finansijskim poteškoćama u kojima su se našla privredna društva Rudnici boksita d.o.o. Široki Brijeg i Rudnici boksita d.o.o. Posušje.

Vlada Federacije Bosne i Hercegovine na 109. hitnoj sjednici održanoj 26.08.2024. godine donijela je Odluku o usvajanju Programa utroška sredstava utvrđenih u razdjelu 17. Proračuna Federacije Bosne i Hercegovine za 2024. godinu Federalnom ministarstvu energije, rudarstva i industrije „Tekući transferi i drugi tekući rashodi - Subvencije javnim poduzećima – za uvezivanje radnog staža“ u iznosu od 2.500.000,00KM i Odluku o usvajanju Programa utroška sredstava utvrđenih u razdjelu 17. Budžeta Federacije Bosne i Hercegovine za 2024. godinu Federalnom ministarstvu energije, rudarstva i industrije „Tekući transferi i drugi rashodi – Subvencije privatnim poduzećima i poduzetnicima – za uvezivanje radnog staža“ u iznosu od 2.190.000,00 KM („Službene novine Federacije BiH“, broj 67/24).

Na osnovu gore navedenih Odluka objavljen je Javni poziv na koji se mogu prijaviti i Rudnici boksita d.o.o. Široki Brijeg i Rudnici boksita d.o.o. Posušje za uvezivanje staža radnicima koji trenutno mogu ostvariti mirovinu, a nemaju uplaćen radni staž.

S poštovanjem,



**DOSTAVLJENO:**

- Naslovu
- Ured Sekretara Doma naroda Parlamenta Federacije BiH (na znanje)
- Ured Sekretara Vlade Federacije Bosne i Hercegovine (na znanje)
- evidenciji
- a/a